

Հովհաննես Ավետարանի Պարսկական Մի Պատկեր

ԱՍՏՂԻ ԴԵՎՈՐՅԱՆ

Միջնադարյան ձեռագրերը նկարադարձելիս ծագողները հետևելով կանոնական ձևերին, յուրաքանչյուր Ավետարանի սկզբում նկարել են այդ ավետարանիչի պատկերը։ Վաղ շրջանի ավետարաններում (IX—XI դդ.) կանոնական է համարվել պատկերել նաև շորս ավետարանիչներին միասին, կամ՝ երբեմն երկու շուրջով։

Կանոնիկ է համարվել նաև Ավետարանը սկսել անվանաթերթով։ Այն մեծ մասամբ զարդարված է լինում կիսախորանով, իսկ դրոթյունը սկսվում է զարդատառով, որը շատ հաճախ նանդիսացել է ավետարանիչի խորհրդանիշը։ Այդ խորհրդանիշը երբեմն էլ պատկերվել է ավետարանիչի հետ։ Մատթեոսի խորհրդանիշն է մառդր, որն ավանդաբար մեկնաբանվել է այսպես։ Մատթեոսն իր Ավետարանում ընդգծում է Քրիստոսի մարդկային և փրկչական բնույթը։ Մարկոսի խորհրդանիշը առյուծն է, որն ընդգծում է Քրիստոսի զորեղությունը և իշխանությունը։ Դուկասինը՝ եղն է, այսինքն նա վաստակասելի էր իբրև եղն և, վերջապես, Հովհաննեսի խորհրդանիշը՝ ~~արծիվը~~, որը, ըստ Ավգուստինոսի մեկնությունից, «Արծվի նման սավառում է մարդկային անզորություն ներկայացնող ամպերի վրա»¹։ Ավետարանիչների խորհրդանիշների նման մեկնաբանումների կարելի է հանդիպել բազմաթիվ ձեռագրերում։ 292 թ. ընդօրինակված ավետարաններից մեկում կարդում ենք. «Մարգն՝ Մատթեոս վասնզի նա մարմնաորությունն է տեսնում մերոյ արար սկիզբն «Գիրք ձեռնդեան» ասելով, և Յիսուսի Քրիստոսի ծնունդն էր այսպես։ Եւ Առիւծն զՄարկոս, վասնզի նա առիւծաբար պատմեր զԵլսն Յիսուսի ի Յորդանանէ, Էսկ Նզինն զԵմք՝ զԴուկաս, վասնզի նա իբրև զեղն վաստակասէր էր և գործաւն եղիալ ի հոգեւոր մշակութիւն զսեւան խորհուրդն կարգաւ պատմէ։ Իսկ Արծուին՝ զՅովհաննէս, վասնզի նա բարձրաթիւ ի եղեալ ի վերուստ բարձառեցաւ ի հայրական ծննդեանէն»²։

Հետագայ դարերում ավետարանիչների պատկերների հորինվածքներում իմնականում իշխում է հետևյալ ձևը։ Մատթեոսը, Մարկոսը և Դուկասը պատկերվել են առանձին-առանձին՝ նստած գրակալի առջև, իսկ Հովհաննես ավետարանիչը մեծ մասամբ նկարված է իր աշակերտ Պրոխորի հետ։

Վերջերս Ս. Մաշտոցի անվան Մատենադարանում մեզ հանդիպեց մի Ավետարան, որտեղ Հովհաննես ավետարանիչը պատկերված է Դաբբիկ հրեշտակի հետ կողք-կողքի կանգնած (ձեռ. № 5559, թ. 150բ)։ Սա մի հետաքրքիր փաստ է և, բնականաբար, ուշադրության արժանի, մանավանդ, որ նման այլ օրինակ մեզ ծանոթ չէ։ Այն ընդօրինակվել է 1273 թ. Պազարում (Պարսկաստան)։ Դրին է նույն թահանան։ Ըստ Մատենադարանի «Ցուցակ

¹ Ф. А. Брокгауз, Энциклопедический словарь. т. XI, СПб., 1893, с. 406.

² Մատենադարան, ձեռ. № 4080, ր. 131ա։

XII դդ. մանրանկարներ ու խճանկարներ, որոնցում արտահայտված է նույն միտքը⁶:

1261 թ. Վախտանգ հաշնեցու համար ընդօրինակված Ավետարանում (ձեռ. N° 378) կա ուշադրավ մի նկար, որտեղ պատկերված է Մարիամը՝ մանուկ Քրիստոսը զրկին, իսկ նրա կողքին՝ թևերը լայն տարածած և ձեռքերը կողմ մեկնած, կանգնած է Գաբրիել հրեշտակը, որը, կարծես, ավետում է Քրիստոսի ծնունդը, բայց ոչ թե մողերին, այլ ներքևում կանգնած ղույզ ավետարանիչներին, հաշնեի Ավետարանի այս նկարը հիշեցնում է ղպտական մի դործվածք, որտեղ մանուկը զրկին նստած Տիրամոր դիմաց կանգնած է լուսապակով մի կերպար՝ մի ձեռքը բարձրացրած, իսկ մյուսում՝ գիրքը Տորբերն այդ տեսարանը նկարագրում է այսպես. «Մարիամը մանուկ Հիսուսի հետ ունենդրում է մի քարեպաշտի»⁷: Վերջինիս մասին Սիրարփի Տեր-Ներսեսյանը գրում է. «Կանգնած ֆիգուրը, թվում է, թե թևեր ունի և հավանաբար հրեշտակ է»⁸:

Հստ կանոնական պատկերադրության, ծննդի տեսարանում ներկայացվում է նաև մանուկ Քրիստոսին լողացնելու արարողությունը, որտեղ, սովորաբար, կանանցից մեկը լողացնում է մանկան, իսկ մյուսը՝ ավելի երիտասարդ կինը, ջուր է լցնում: Բայց, ահա, Վիեննայի X դ. հայկական ձեռագրերից մեկում անհայտ նկարիչը պատկերել է, թե ինչպես Հիսուսին լողացնելու պահին նրան է մոտեցել հրեշտակը, որի ձեռքում կա իշխանության, տերության խորհրդանիշ ղույզը, որը մեկնել է մանկանը⁹: Այստեղ արտահայտված է նորածին Քրիստոսին իշխանություն, իրավունք տալու զաղսփարը: Նույն ձեռագրի «Մկրտություն» պատկերում նման ղույզ ձեռքերում պահած ունեն Միքայել և Գաբրիել հրեշտակները, որոնք այն դարձյալ մեկնել են Քրիստոսին¹⁰: Այս ոճը հանդիպում է դեռևս VII դ. բյուզանդական խճանկարներում, որոնցից մեկում պատկերված է Աստվածամայրը մանկան հետ, իսկ նրա երկու կողմերում՝ Գաբրիել և Միքայել հրեշտակները, ձեռքերին իշխանության ղույզը¹¹: Նման միտք արտահայտված է XIV դ. Վասպուրականի մանրանկարիչ Կիրակոս հաղբակեցու պատկերած «Աստվածամայրը մանկան հետ» հորինվածքում, որտեղ Մարիամի երկու կողմերում կանգնած են նրան փառաբանող Գաբրիել և Միքայել հրեշտակները: Զեռագիրը հաղբակեցին նկարազարդել է Կիրիկիայում եղած ժամանակ¹²: XIII դ. մի Ավետարանում ծաղկող Ուլանեսը «Մկրտություն» մանրանկարում Հովհաննես Մկրտչի զիսավերում պատկերել է Գաբրիել հրեշտակին, որը ավետում է Քրիստոսի մկրտությունը¹³: Ուշագրավ է նաև «Շնչումն Աստվածամոր» նկարում Գաբրիել հրեշտակի հան-

⁶ Gertrud Schiller, *Iconography of Christian Art*, vol. 1, London, 1966, pl. 268—270.

⁷ Ս. Տեր-Ներսեսյան, Հայ արվեստը միջնադարում, Երևան, 1975, էջ 47:

⁸ նույն տեղում:

⁹ Հայդե և Հելմուտ Բուշ Վալդեն, Նկարազարդ հայկական ձեռագրեր Միխայելյան միարանության ի Վիեննա, Վիեննա, 1978, էջ. 13:

¹⁰ նույն տեղում, էջ. 14:

¹¹ W. F. Volbach, J. Lafontaine, Dosogne, Byzanz und der Christliche Osten, Berlin, 1968, Abb. 9.

¹² Մատենադարան, ձեռ. № 2745, թ. 6ր:

¹³ Մատենադարան, ձեռ. № 4820, թ. 2ր:

դես զալը: Այստեղ, սովորաբար, ընդունված է պատկերել Աստվածամոր հոգին Քրիստոսի ձեռքերում: Բայց ահա Վասպուրականի մանրանկարիչ Մերուն Մաղկոզը 1391 թ. իր ընդօրինակած Ավետարանում (ձեռ. № 8772, թերթ 3ա) պատկերել է Աստվածածնի հոգին՝ ճախրող Գաբրիել հրեշտակի ձեռքերում, որը դարձյալ նույն հոգու սեմահոթյան միտքն է արտահայտում: Գարեթի է բերել նման բազմաթիվ այլ օրինակներ:

Բերված օրինակները ցույց են տալիս, որ միջնադարյան հայ մանրանկարչության մեջ կան Գաբրիել հրեշտակին վերաբերող բազմաթիվ տարբերակներ, որոնց մեջ նա առավելապես հանդես է գալիս որպես ավետող, փառաբանող, ներշնչանք կամ իշխանություն տվող:



Հովհաննես ավետարանիչը և Գաբրիել հրեշտակը:

Քննվող Ավետարանում Հովհաննես ավետարանիչի հետ Գաբրիել հրեշտակի հանդես զալը պետք է, հավանաբար, բացատրել այսպես. Գաբրիելը ավետում, փառաբանում է ավետարանիչին և խոսելու իրավունք է տալիս: Սակայն այստեղ մի նոր հարց է ծագում. իսկ ինչու՞ հատկապես Հովհաննես ավետարանիչի մոտ է նկարված Գաբրիելը:

Ինչպես հայտնի է, դեռևս երկրորդ դարի երկրորդ կեսին չորս ավետարաններ դարձել են հեղինակավոր, այսինքն համարվել են կանոնական: Մոտ 180 թ. լիոնի եպիսկոպոս Իրենեոսը հիշատակում է չորս ավետարանների

ավանդական հեղինակներին՝ Մատթեոս, Մարկոս, Ղուկաս, Հովհաննես: Սակայն Հովհաննեսի Ավետարանն իր բովանդակությամբ տարբերվում է առաջին երեք ավետարանիչներին՝ Մատթեոսի, Մարկոսի և Ղուկասի համապատմողական (սինոպտիկական) ավետարաններից, որոնցում պատմվում է Քրիստոսի երկրային կյանքը: Հովհաննեսի մոտ ներկայացված է Քրիստոսի աստվածային վարդապետությունը և այդ պատճառով նա անվանվել է նաև «Աստվածաբան»։

այս առումով հետազայում նրան երբեմն առաջնություն է տրվել: Բացի այդ, դեռևս XIII դ. վերջին, այսինքն երբ ընդօրինակվել է մեր ներկայացրած Ավետարանը, արևելքում իշխում էր կաթոլիկ եկեղեցու աղեղեցությունը և XIV դ. Հայաստանում տարածվեց ունիթորական իմբի գործունեությունը: Այդ կրոնադավանաբանական հարցերի շուրջ առաջացած տարաձայնություններին իբրև պատասխան վկայակոչվում էր նաև Հովհաննես ավետարանիչը: Այսպես՝ 1250 թ. հոռմեական եկեղեցին հայոց Կոստանդին կաթողիկոսին ուղղած իր թղթում հայտնում էր, որ պետք է «Սուրբ Հոգու բխումըն ընդունել ո՛չ միայն Հորից, այլև Որդուց»¹⁴: Այդ առթիվ 1251 թ. գումարված Սահ Գ ժողովը, մերժելով կաթոլիկական դավանաբանական այդ տեսակետը և հիմք ընդունելով սուրբ գրքերն ու եկեղեցական վարդապետներին, պատասխանում է. «Սուրբ Հոգին բխում է Հորից և Որդուվ (կամ՝ Որդուց, Որդու ձեռքով) երևում է»¹⁵: Հովհաննեսի Ավետարանում, որը նույնպես վկայակոչվեց, կա հետևյալ արտահայտությունը. «զՀոգին ճշմարտութեան, որ ի Հօրէ ելանէ» (Հով. ԺԵ, 26): Կիրակոս Գանձակեցին անդրադառնալով այս հարցին, գրում է. «Այսպիսի խոստովանութիւնս ընդունելի է յեկեղեցիս Հայաստանեայց և յօգիս Կիրակոսի և համարձակ արժան է քարոզել զՀոգին ի Հօրէ եկեալ և յՈրդույ երեսալ»¹⁶: Եվ ապա, նա վկայակոչում է. «Եւ Յոհաննէս աւետարանիչ ասէ. Որ զՀոգին Քրիստոսի ոչ ունի, նա չէ նորա»¹⁷: Նաև այս էր պատճառը, որ Հովհաննես ավետարանիչի հեղինակությունը XIII—XIV դդ. ավելի բարձրացվեց՝ օգտագործվելով կաթոլիկների դեմ: Ահա թի ինչու մեր այս Ավետարանում նկարիչը Հովհաննեսին պատկերել է Գաբրիել հրեղատկի հետ:

Կան փաստեր, որ դեռևս XI դ. Նոր Կտակարանը երբեմն սկսվել է Հովհաննեսի Ավետարանով¹⁸, որին անգրադառնալը մեր նպատակից դուրս է:

XIV դ. Գլաձորի դպրոցի մանրանկարիչ Մումիկն իր ընդօրինակած ավետարաններից մեկը սկսել է դարձյալ Հովհաննեսի Ավետարանով¹⁹ և դա ոչ թե պատահական, այլ, ինչպես նկատել է արվեստագետ Արամ Ավետիսյանը, «նման տեղաշարժ արել է ոչ վերականգնողը, քանի որ Հովհաննեսի վերջին տողերից անմիջապես հետո, նույն էջում, սկսվում է Մատթեոսի Ավետարանը»²⁰: Ավետիսյանի կարծիքով դա, թերևս, արված է կրոնագաղափարական

14 Ա. Ջ ա մ ի ն յ ա ն, Հայ եկեղեցու պատմություն, հ. Ա, Նոր Նախիչևան, 1908, էջ 247:

15 Նույն տեղում:

16 Կ ի Ր ա կ ո ս Գ ա ն ձ ա կ ե ջ ի, Պատմություն հայոց, աշխատասիրությամբ Կ. Մե-իբ-Օհանջանյանի, Երևան, 1901, էջ 333:

17 Նույն տեղում, էջ 230:

18 Ն. Ա կ ի ն յ ա ն, Մատենագրական հետազոտություններ, Վիեննա, 1922, էջ 32:

19 Մատենագրան, ձեռ. № 6792:

20 Ա. Ա վ ե տ ի ս յ ա ն, Հայկական մանրանկարչության Գլաձորի դպրոցը, Երևան, 1971, էջ 58—59:

պայքարի շահերից ելնելով, երբ անհրաժեշտություն է զգացվել բարձրացնել Հովհաննես ավետարանիչի հեղինակությունը, եվ իսկապես. այն ժամանակ, երբ Գլաձորի դպրոցի աշակերտ Հովհաննես Քոնեցին, փոխելով իր դավանանքը, ղեկավարում էր ունիթորական շարժումը, նույն դպրոցի արվեստագետ Մումիկը ի պատասխան Քոնեցու, բարձրացնելով Հովհաննես ավետարանիչի դերը, նրա Ավետարանը դրեց ձեռագրի սկզբում: Նման երևույթ նկատվում է նաև հետագա դարերի մանրանկարներում: Այսպես. 1607 թ. Կարինում ընդօրինակած Ավետարանում²¹ ծաղկող Առաքելը «Զորեքկերսյան աթոռ» տերունական նկարում Քրիստոսի աջ և ձախ կողմերում, որպես բարեխոսներ, պատկերվել է Աստվածամորը և Հովհաննես ավետարանիչին: Մինչդեռ, սովորաբար, որպես այդպիսին պատկերվել են Աստվածամայրը և Հովհաննես Մկրտիչը:

Այսպիսով, XIII—XIV դդ. Հովհաննես ավետարանիչը հատուկ տեղ է զբաղվել հայ մատենագրության և մանրանկարչության մեջ՝ կապվելով դավանաբանական պատկերացումների հետ: Ուստի, քննվող պատկերը պետք է դիտել որպես այդ պատկերացումների յուրատեսակ դրսևորումներից մեկը: Ավելի կոնկրետացնելով մեր միտքը, կարող ենք ասել, որ Գարրիել հրեշտակը տվյալ մանրանկարում ցնծոյալի ազդարարությամբ ընդգծում է Հովհաննես ավետարանիչի շուրթերից դուրս եկած խոսքի կարևորությունը:

АПОКРИФИЧЕСКОЕ ИЗОБРАЖЕНИЕ ЕВАНГЕЛИСТА ИОАННА

АСТХИК ГЕВОРКЯН

Резюме

Рукопись Матенадарана № 5559 (Евангелие 1273 года) содержит апокрифическое изображение евангелиста Иоанна, где он представлен вместе с архангелом Гавриилом. Последний на изображении приблизил ко рту евангелиста руку, как бы прикрывая его. Исследование показало, что данное изображение связано с религиозно-догматическими спорами. Как известно, в конце XIII в. на Востоке усилилась католическая пропаганда, а в XIV в. в Армении широкое распространение получило движение так называемых унитаров.

В развернувшихся ожесточенных религиозно-догматических спорах сторонники официального национального вероучения приводили нередко цитаты из Евангелия от Иоанна, в котором представлено божественное начало Христа. Архангел Гавриил в данной миниатюре своим жестом, сопровождаемым игрой на кимвале, как бы подчеркивает важность слова евангелиста Иоанна.

²¹ Մատենադարան, ձեռ. № 10805, Թ. 40ա: